



## Universitätsbibliothek Paderborn

**Decretvm Vt omnes Regularium Superiores suos subditos,  
& Religiosos persaepe commoneant de iniuncta omnibus  
obseruantia, & executione Apostolicarum Constitutionum,  
& Decretorum ad Officium ...**

**Urban <VIII., Papst>**

**[Romae], 1645**

Decreta pro reformatione Regularium, tam Monachorum, quam  
Mendicantium cuiuscunque Ordinis, & Instituti. Clemens Papa VIII.

**urn:nbn:de:hbz:466:1-10826**

Vult autem Decretum hoc suum in solitis locis  
Vrbis publicatum ita predictorum singulos affice-  
re, ac si cuilibet personaliter fuisse intimatum, pri-  
uilegijs, statutis, & constitutionibus quibuscunque  
in contrarium minimè obstantibus.

Dat. Romæ apud S. Marcum, die 20. mensis Iu-  
nij 1599.

*Decreta pro reformatione Regularium, tam Mo-  
nachorum, quam Mendicantium cuiuscun-  
que Ordinis, & Instituti.*

### CLEMENS PAPA VIII.

**N**ihil omnino prætextu cuiuscunque priuilegij, vel superioritatis, etiā Generalatus, & seruicio Chori censeatur immunis, nisi pro tempore, quo quis in proprij officij munere actu fuerit occupatus. Cum Lectoribus autem & Prædicatoribus Superiores ijs tantum diebus, quibus eos legere, aut prædicare contigerit, dispensare possint; Idem quoque præstare valeant cum ægrotis, & studiorum causa legitimâ impeditis. In eos vero, qui negligentes, aut inobedientes fuerint, salutari pœnitentia Superiores animaduertant ad præscriptū Regulæ, & Constitutionum, alimenti etiam, si opus fuerint, subtractione.

Lectio Sacrae Scripturae, vel Casuum conscientiarum in hebdomada præscriptis diebus in singulis Monasterijs, & Conuentibus habeatur, ad quā Fratres omnium cōueniāt, eaq. absoluta, mutua collatio-

ne

ne circa explicatam doctrinā sese utiliter exerceat.

Quo Tridentini Concilij Decreta de paupertatis voto custodiendo fidelius obseruentur. Præcipitur, ut nullus ex Fratribus, etiam si Superior sit, bona immobilia, vel mobilia, aut pecuniam, prouentus, census, eleemosynas siue ex concionibus, siue ex lectionibus, aut pro Missis, tam in propria Ecclesia, quam ubicunque celebrandis, alioquin ipsorum iusto labore, & causa, & quocumq. nomine acquisita, etiā si subsidia consanguineorum, aut priorum largitiones, legata, aut donationes fuerint, tanquam propria, aut etiā nomine Conuentus possidere possit: sed ea omnia statim Superiori tradantur, & Conuentui incorporentur, atq; cum cæteris illius bonis redditibus, pecunijs, ac prouétibus confundantur, quo communis inde victus, & vestitus omnibus suppeditari possit.

4 Neque Superioribus quicunque illi sint, ullo pacto liceat eiusdem Fratribus, aut eorum alicui bona stabilia etiam ad usumfructum, vel usum, administrationem aut commendam, etiam depositi, aut custodia nomine concedere.

5 Eorum vero, quæ ad necessitatem concessa erunt, nullus quicquam possideat ut proprium, neque ut proprio utatur.

6 Quin præmissorum aliquo deliquerit, penas, nedum a Concil. Trident. præscriptas, sed alias quoq; multo grauiores, Superiorum arbitrio imponendas, incurrat.

7 Nulla quorūcunq; Superiorum dispensatio, nulla licentia quantū ad bona immobilia, vel mobilia Fratres excusare possit, quominus culpa & penæ ab eiusdem Concilij Decretis impositæ & ipso facto incurredæ obnoxij sint, etiā si Superiores assuerent

hu-

huiusmodi dispensationes, aut licentias concedere posse, quib. in ea re fidē minimē adhiberi volumus.

8 Fratrū vestitus, & suppellex cellarū ex cōmuni pecunia cōparetur, & omnino vuniformis sit Fratrū, & quorumcūq. Superiorū, statuiq. paupertatis, quā professi sūt, cōueniat: ita vt nihil superflui admittat; nihil etiam, quod sit necessarium, alicui denegetur.

9 Quæcunque Fratrum vesteſ, ſiue laneæ, ſiue lineæ, omnisq. alia suppellex in aliquem commodum Conuentus locum deferantur, ibique ab vno, vel duobus Fratribus huic muneri deputatis diligenter custodiantur, vt inde Superioris arbitrio, prout vnicuiq. opus fuerit, subministrari oportuñè possint.

10 Omnes etiam Superiores, quicunque illi ſint, eodem pane, eodē vino, eodemq. obſonio, ſiue eadē (vt aiunt) pitātia, in cōmuni mensa prima, vel ſecūda niſi intirmitatis cauſa impediti fuerint, vescātur, neq; ſingulare aliquid, quo priuatim quifq; in cibū v̄tatur, v̄llo modo afferri poſſit, ſi q̄s in ea re peccauerit, nihil ea die alimēti p̄cipiat, niſi panē, & aquā.

11 Superiores omnes, etiam Generali, qui reddi-  
tus, aut præſtatiōres peculiares ratione officiorum  
habent, eorum accepta, & expensa in libro distin-  
cto fideliter, & diligenter adnotari curent, neque  
in alios vſus, quam ratione officij ſui neceſſarios,  
quicquam expendant. Cum verò contigerit ipſos  
in aliquo Conuentu commorari, eam pecuniā quā-  
titatem in commune conferant, ex qua ſibi, & ijs,  
qui ſecum erunt, vietus ad præſcriptum Regulæ, &  
Constitutionum ſuppeditetur.

12 Nullus ex Superioribus locorum, administra-  
tionem bonorum, aut aliarum rerum, dispensatio-  
nemq.

nemque pecuniarum , & reddituum sui Conuentus, etiam nomine Conuentus , per se ipsum habere , siue exercere possit ; sed vniuersum id onus tribus Fratribus eiusdem Conuentus à Generali ita demādetur, vt unus rerum , & bonorum , reddituumque colligendorum , ac exigendorum curam habeat ; alter tanquam Depositarius , pecunias , ac cætera ab illo collecta , & exacta fideliter afferuet : alius de pecunijs , & rebus à Depositario acceptis , Priori , & Fratribus , ac Conuentui vniuerso de necessarijs , mandante tamen ipso Priore , non secundum proprium affectum , sed iuxta charitatis regulam , velut bonus dispensator prouideat , officiorum huiusmodi confusione penitus interdicta .

13 Cæterum hi tres tam impensi , quam accepti singulis mensibus Superiori locali adhibitis etiam duobus , vel tribus Fratribus eiusdem Conuentus probatoriis , rerumq. vsu peritis , rationem reddant : Deinde ipsimet rursus , praesentibus Priore , & peritis prædictis , Generali , cum aduenerint : denique ipse Generalis , in quolibet proximo Capitulo Generali saltem corā tribus Iudicibus , ab ipso Capitulo ad hoc constitutis , illorum omnium , vniuersamq. suæ administrationis tam publicæ , quam priuatae rationem reddere teneatur , cuius etiam exemplum authenticum ex actis Capituli describatur , ad hoc , vt ad omne mandatum nostrum , vel Sedis Apostolicæ Romam transmitti possit .

14 In unoquoque Conuentu , Fratrum is tantum deinceps constituatur , & imposterum retineatur numerus , qui ex redditibus illius proprijs , vel ex com-

communibus confuetis, vel etiam singulorum eleemosynis, alij suè quibuscumque obuentionibus in commune (ut præfertur) conferendis, commodè possit sustentari; redditus verò, & supradicta omnia in communiloco, ac tuto diligenter afferuentur.

15 Superioribus autem, ne Concilij Tridentini, aut hæc nostra Decreta declarare, interpretari, aut relaxare ullo modo possint, omnino interdicimus, & prohibemus, decernentes irritum &c. Si quis autem contra præsumperit attentare, eo ipso omni gradu, officioq. priuatus, & ad ea perpetuò inhabilis existat.

16 Nullus, nisi actu legat, vel prædicet, aliquo sui gradus priuilegio gaudeat.

17 Si alicui ex necessaria causa. Generalis iudicio probanda, socius ex eodem ordine, qui illi minister, concedendus erit, is nisi vigesimumquintum agat annum, & qui communis eruitio sit deputatus, non concedatur, & si commodè fieri potest, sit laicus conuersus.

18 Ut omnis scandalorum, & vagationis occasio tollatur, Conuentus clausura perpetuo, ac diligenter seruetur, ac propterea à Superiore ianitor constituantur, qui diligentia, ac morum integritate maximè commendetur: is ianuæ custodiendæ semper assistat, eamq. nemini Fratum aperiat, nisi socium, & exeundi licentiam obtinuerit.

19 Nullus à Conuentu egredi audeat, nisi ex causa, & cum socio, licentiaq. singulis vicibus impetrata, ac benedictione accepta à Superiore, qui non aliter eam concedat, nisi causa probata, sociumq. exi-

exituro adiungat, non petentis rogatu; sed arbitrio suo, neque eundem saepius. Licentiæ vero generales exeundi, nulli omnino concedantur.

20 Contrauenientes autem pœna gravi, etiam carceris ad Superioris arbitrium plectantur; eandem etiam ianitor subeat, si sciens exeundi facultatem fecerit.

21 Cum autem quis in Conuentum reuertitur, Superiorem iterum adibit, benedictionem recepturus, qui à socio itineris rationem, & quid rei actum sit, diligenter perquirat.

22 Nulos Fratres Romam venires Superiores permittant, nisi prius à Generali, vel Protectore dumtaxat licentiam in scriptis impetraverint.

23 Si quis autem sine huiusmodi facultate Romā venire præsumperit, voce actiua, & passiua bienio priuatus existat, subiturum etiam alias arbitratu Superiorum infligendas pœnas. Quæ item omnia aduersus eos, qui supradictos admiserint, & receperint, sineulla exceptione locum habeant.

24 Habeat Superior clauem ita fabrefactam, ut cum sibi videbitur cellas omnes referare possit, & propterea nullus cellam, etiam noctu ita claudat, qui n semper à Superiori possit aperiri.

25 In medio Dormitorij totam noctem lampas colluceat.

26 Nullus etiam Superior cellas siue in claustro, siue alibi separatas à communi dormitorio habeat, sed unusquisque vnicula cella, eadem cū cæteris aliorum fratrum coniuncta, nudis omnibus parietibus, ac lecto, & mensa humilibus, uniformiq. suppelle-  
ctili

Et illi ( ut præfertur ) quemadmodum Religiosos decet, contentus sit: possit tamen Generalis alicui ex Superioribus Conuentuum , si eorum muneris , & officij necessitatem id exigere cognouerit, alteram etiam cellam concedere .

27 Cellæ siue ædicolæ, quæ extra dormitorium , separatis sunt , ad officinas , aut alias ad communem usum, & cōmoditatem Conuentus redigantur.

28 Sigillatim suo quisque lecto cubet, neque ulli duo eodem lecto dormire possint , qui omnes ad certam formam redigendi erunt.

29 In priuatis cellis nulli camini permittantur: sed omnes obstruantur statim , cardinibus etiam & parietibus conuulsis, vt res illa non ad tempus facta, sed perpetuò duratura , videatur ; cellis tamen Generalis, aut alterius Superioris , ac Prædicato-ris exceptis .

30 Conuentus fenestræ omnes , quæ in vias publicas , aut in vicinas laicorum ædes prospiciunt, muro ita obstruantur, vt omnino is prospectus impediatur .

31 Valetudinarium in singulis Conuentibus certo, ac salubriori loco constituatur , quod pro loci situ ac Fratrum numero, quoad fieri poterit, commodissimum esse possit, in quo Fratres omnes, cum ægrotabunt, currentur , ne inde nisi recuperata sanitate abire permittantur . Qui vero infirmorum curæ præpositi sunt, omni sedulitate, ac charitate, operam suam præstabunt, ac curabunt , ne quid ægrotis omnino desit , quod ad sanitatem recuperandam pertineat.

32 Ineatur ratio, qua, sublatis licentijs, ac facultatibus hactenus quibuscumque conceisis, degentes extra Conuentus claustra, ad ea quam primum reuocentur, nec de cætero, nisi ex grauissima causa à Sede Apostolica probanda, huiusmodi facultates concedi possint.

33 Nulli imposterum ad habitum, aut professionem admittantur, nisi in Conuentibus per Sedem Apostolicam in qualibet Prouincia deputandis.

34 Curent Superiores, vt Constitutio interdicēt largitiones munierum, & præscribens hospitalitatis formam, ab omnibus in quolibet Conuentu in uiolabiliiter obseruetur.

35 Ut omnis officiorum ambitus occasio præcludatur, caueant omnes à directa, vel indirecta vocum, seu suffragiorum procuratione, tam pro se ipsis, quam pro alijs, tūm in Capitulis locorum, tum in cæteris, præsertim Generalibus Capitulis, aut Congregationibus, seu alibi. Quicunque secus fecerint, præter alias pœnas, & censuras hactenus contra huiusmodi ambientes inficias, quas in suo robore permanere volumus, in pœnam priuationis officiorum, quæ obtinent, eo ipso incident, & ad futura quæcumque pariter inhabiles habeantur, super quo cum eis dispensari à nemine possit, nisi à Nobis, vel Successoribus nostris, & pro qualitate culparum grauius etiam plectantur. Porro supradictas omnes pœnas ad complices, ac simpliciter scientes, & non reuelantes extendimus.

36 In Superiorum, & Officialiam omnium electionibus forma præscripta à Sacro Concil. Trid. &

Or-

Ordinis constitutionibus inniolabiler seruetur, iurentq. Electores secundum veritatem cuiusque conscientiae, probiores, ac magis idoneos se electuros; ac propterea priusquam ad electionem deueniatur, in primis, & ante omnia prælegantur constitutiones de qualitate, & requisitis eligendorum. Ad officia, gradus, & Prælaturas illi præcipue elegantur, qui possint, & consueverint regulas Ordinis, & Constitutiones obseruare, præsertim quæ pertinent ad seruitium Chori, ac vestitum, & vicuum communem.

37 Eligantur in Capitulo Generali, vel Prouinciali aliquot graues, & periti ex Fratribus cuiuslibet Prouinciarum, saltem tres, qui admittendos ad prædicationem verbi Dei, vel ad audiendas confessiones etiam ipsorum Fratrum, ac Lectores publicos diligenter simul examinent priusquam probetur, & ad huiusmodi ministeria admittantur. Horum etiā curæ sit examinare, & probare, tam quoad doctrinam, quam quoad mores, promouendos ad quoscunque Ordines, in quo seruetur Decretum Congregationis Interpretum Sacri Concilij Tridentini, hac de causa nuper editum, & promulgatum.

38 Illud porro Superiores omnes in Domino admonemus, ut memores sint rationis, quam in nouissimo die reddituri sunt pro grege sibi commisso, ac propterea omni studio inuigilent, ut quæ in eorundem Ordinum Regulis, & Constitutionibus de oratione mentali, silentio, ieunijs, Capitulo culparum, alijsq. spiritualibus exercitijs prudenter, ac

piè sancita stint, ea omnia, & singula ad vnguem obseruentur, intelligentq. super his veluti fundamentis omnium Religionum ædificia construenda, & amplianda esse, quæ vt faciliorem exitum fortiantur, & fructus vberiores in animis Fratrum producant, valde opportunū erit, si in quolibet Conventu, singulis hebdomadis habeatur sermo de religiosa disciplina, regulariq. obseruantia.

39 Quo verò omnia ordinate peragantur, appendatur tabella in loco conspicuo vniuscunque Conventus, in qua distinctè adnotetur, quid singulis horis cuiusque diei quilibet Frater præstare debeat, vt certo quoq; signo præmonitus, maiore animi præparatione suo muneri satisfacere possit. Quæ Ordinis Constitutiones, his Decretis non aduersantur, inuiolate custodiendæ erunt.

40 Quibus horum Decretorum capitibus certa poena præscripta non est, arbitrio Generalis, vel alterius immediati Superioris infligatur. Ut autem hæc Decreta (donec, alia quæ pliorem reformationem facient, edantur,) ab omnibus obseruari possint, districtè præcipimus Generalibus, ac omnibus alijs quibuscunque Superioribus, ad quos hoc spectat, vt curent, ac efficiant, ea omnia inter alias eorūdem Ordinum Constitutiones perpetuo valituras redigi, interdicta omnino eorum singulis facultate illas declarandi, & aduersus eas v' quām dispensandi. Alioquin sciant se in pœnam Generalatus, & officiorum priuationis, ac inhabilitatis perpetuæ ad alia quoque munera ipso facto, & sine vlla exceptione respectuè incidisse.

Ne

41 Ne verò prætextu dilatæ publicationis eorum obseruatio quoquomodo differri possit, aut impediri, volumus, ut post illorum publicationem in Conuentu, vel Monasterio cuiuslibet Ordinis de Vrbe factam, Generalem, aliosque Ordinum Superiores, cæterosq. quoscunque Fratres præsentes, statim: reliquos vero absentes citra montes, vnius mensis, ultra montes, trium mensium spatio ita arcent, ac si eorum singulis personaliter intimata fuissent.

42 Insuper mandamus, quod Generales in singulis Conuentibus citra montes vnius mensis, ultra vero montes, trium mensium cursu Decreta supradicta publicari faciant, sub pœna priuationis Generalatus, alijsq. arbitrio nostro imponendis. Datum Romæ apud Sanctum Petrum die 25. mensis Junij 1599.

**D**ecretum illud, quo Fratres Romam petere cum Generali, & Protectoris licentia dumtaxat permisum est, Sanctitas Sua extendi ad Provincialem decreuit, ita ut Provincialis ipse ex causa communi totius Provinciæ duntaxat facultatem huiusmodi facere valeat, declarauitq. pœnam priuationis vocis actiuae, & passiuæ contrafacientibus inflictam, Sanctitati Suæ reseruatam esse, interdicta omnino eorum Superioribus singulis, etiā Generali, ac Protectori facultate illam moderandi, ac relaxandi. Datum Romæ die 20. Martij 1601.